

**Uunga siunnersuut: Nunalerinermik inuussutissarsiuteqarnermut inuussutissarsiutininik
siuarsaaneq pillugu Namminersorlutik Oqartussat nalunaarutaat nr. xx. xxxx 2024-
meersaq**

Nunalerinermik inuussutissarsiuteqarnermut siuarsaaneq pillugu Namminersorlutik Oqartussat nalunaarutaanni nr. 28-mi, 23. maj 2024-meersumi § 2, imm. 2 aamma § 8 naapertorlugit aalajangersarneqarpoq:

Kapitali 1

Inuussutissarsiutininik siuarsaaneq ilaannut aalajangersakkat immikkut ittut

Illut inuussutissarsiorfiusut

§ 1. Naalakkersuisut illunik inuussutissarsiorfiusunik sananermut, alliliinermut tigusiinermulluunniit inuussutissarsiutininik siuarsaaneqarnermut tapiissuteqarsinnaapput.

Imm. 2. Imm. 1 naapertorlugi inuussutissarsiutininik siuarsaaneqarnermi atortunut, nassiussinermut aningaasartuutininik, sanasunik ikiorteqarnermut aamma teknikkikkut siunnersorneqarnermut, illuni inuussutissarsiorfiusuni atorineqartussanut aningaasartuutissatut naatsorsuutigineqartunut imaluunniit aningaasartuutininik uppersarneqarsimasunut tunniussisoqartassaaq, imatut agguaneq malinneqassalluni:

- 1) Taarsigassarsiat erniaqanngitsut akilersugassaangitsullu 95%-it.
- 2) Nammineerluni aningaasaliissut 5 %-it.

Imm. 3. Inuussutissarsiutininik siuarsaaneqarnermut taarsigassarsiat piffissaq akilersorneqarfissaat siviunerpaamik ukiunut 25-nut aalajangerneqassaaq.

Nammineerluni illuliat aamma illut inissiisarfii

§ 2. Naalakkersuisut nammineerluni illulianik najugaqarfissanik sananermut tigusiinermulluunniit, imaluunniit illunik sulisunut inissiisarfissanik tigusiinermut inuussutissarsiutininik siuarsaaneqarnermut tapiissuteqarsinnaapput.

Imm. 2. Taamaallaat nammineerluni illulianut, nunaleriffeqarfinni sananeqartunut inuussutissarsiutininik siuarsaaneqarnermut tapiisoqarsinnaavoq.

Imm. 3. Imm. 1 naapertorlugi inuussutissarsiutininik siuarsaaneqarnermi atortunut, nassiussinermut aningaasartuutininik, sanasunik ikiorteqarnermut aamma teknikkikkut siunnersorneqarnermut, nammineerluni illuliamut imaluunniit inissiisarfimmu atorineqartussanut aningaasartuutissatut naatsorsuutigineqartunut imaluunniit aningaasartuutininik uppersarneqarsimasunut tunniussisoqartassaaq, imatut agguaneq malinneqassalluni:

- 1) Taarsigassarsiat erniallit 15 %-it.
- 2) Taarsigassarsiat erniaqanngitsut akilersugassaangitsullu 75 %-it.
- 3) Nammineerluni aningaasaliissut 10 %-it.

Imm. 4. Inuussutissarsiutininik siuarsaaneqarnermut taarsigassarsiat piffissaq akilersorneqarfissaat siviunerpaamik ukiunut 25-nut aalajangerneqassaaq.

Nukissiutitut ataavartunut innaallagissiorfiit

§ 3. Naalackersuisut sanaartukkanik, ataavartumik nukissiornermut atugassanik inuussutissarsiutinik siuarsaanermut aningaasaliisinnaapput, taakkunungalu erngup nukinganik innaallagissiorfeeqqat aamma seqernup qinngorneranik innaallagissiorfiit ilaatinneqarput.

Imm. 2. Imm. 1 naapertorlugu inuussutissarsiutinik siuarsaanermi atortunut, nassiussinermut aningaasartuutitut, sanasunik ikiorteqarnermut aamma teknikkikkut siunnersorneqarnermut, sanaartukkamut atorqeartussanut aningaasartuutissatut naatsorsuutigineqartunut imaluunniit aningaasartuutitut uppersarsarneqarsimasunut tunniussisoqartassaaq, imatut agguaaneq malinneqassalluni:

- 1) Taarsigassarsiat erniallit 40 %-it.
- 2) Taarsigassarsiat erniaqanngitsut akilersugassaangitsullu 50 %-it.
- 3) Nammineerluni aningaasaliissut 10 %-it.

Imm. 3. Inuussutissarsiutinik siuarsaanermut taarsigassarsiat piffissaq akilersorneqarfissaat sivilunerpaamik ukiunut 25-nut aalajangerneqassaaq.

Maskiinat sanaartukkallu allat

§ 4. Naalackersuisut inuussutissarsiutinik siuarsaanermi ukuninnga pisinermut, sananermut tigusinermulluunniit tunniussisinnaapput:

- 1) Maskiinat, sakkut, imerterissutit, ungalut kiisalu ingerlatsinermit atortut pisariaqartut allat.
- 2) Innaallagissiornermut, nukissiutinik ataavartunik tunngaveqanngitsunut atortunik sananeq pisinerluunniit.
- 3) Suliamik ingerlatsinermit atatillugu angallammik ATV-milluunniit, inunnik inuussutissarsiornermilu assartuinermit atugassamik pisineq.

Imm. 2. Imm. 1 naapertorlugu inuussutissarsiutinik siuarsaanermi atortunut, nassiussinermut aningaasartuutitut, sanasunik ikiorteqarnermut aamma teknikkikkut siunnersorneqarnermut aningaasartuutissatut naatsorsuutigineqartunut imaluunniit aningaasartuutitut uppersarsarneqarsimasunut tunniussisoqartassaaq, imatut agguaaneq malinneqassalluni:

- 1) Taarsigassarsiat erniallit 90 %-it.
- 2) Nammineerluni aningaasaliissut 10 %-it.

Stk. 3. Inuussutissarsiutinik siuarsaanermut taarsigassarsiat piffissaq akilersorneqarfissaat sivilunerpaamik ukiunut qulinut aalajangerneqassaaq.

Iluarsaassinert

§ 5. Naalackersuisut illuni inuussutissarsiorfiusuni, nammineerluni illuliani, illuni inis-siisarfinni aamma nukissiutitni ataavartuni iluarsaassinernut inuussutissarsiornermi siuarsaanermut tunniussisinnaapput, iluarsaassineq nunaleriffiup ingerlaannarnissaanut, imaluunniit pigisaq nalilik iluarsaanneqanngikkuni siunertamut atorsinnaajunnaarnissaanut annertuumik sunniuteqassappat.

Imm. 2. Imm. 1 naapertorlugu inuussutissarsiutinik siuarsaanermi atortunut, nassiussinermut aningaasartuutitut, sanasunik ikiorteqarnermut aamma teknikkikkut siunnersorneqarnermut, iluarsaassinernut atorqeartussanut aningaasartuutissatut naatsorsuutigineqartunut imaluunniit

anigaasartuutitut uppersarneqarsimasunut tunniussisoqartassaaq, imatut agguaneq malinneqassalluni:

- 1) Taarsigassarsiat erniallit 15 %-it.
- 2) Taarsigassarsiat erniaqanngitsut akilersugassaangitsullu 75 %-it.
- 3) Nammineerluni aningaasaliissut 10 %-it.

Imm. 3. Inuussutissarsiutinik siuarsaanermut taarsigassarsiat piffissaq akilersorneqarfissaat sivilunerpaamik ukiunut 25-nut aalajangerneqassaaq.

§ 6. Naalackersuisut maskiinanik atortunillu allanik iluarsaassinernut inuussutissarsiutinik siuarsaanermut tunniussisinnaapput, iluarsaassineq nunaleriffiup ingerlanneqarnerani suliaa-nilu iluarsaassisoqartinnagu siunertaasumut naleqqukkunnaarnissaanut annertuumik isumaqartutut naliliiffineqarpat.

Imm. 2. Imm. 1 naapertorlugu inuussutissarsiutinik siuarsaanermi atortunut, nassiussinermut aningaasartuutitut, sanasunik ikiorteqarnermut aamma teknikkikkut siunnersorneqarnermut, iluarsaassinernut atorneqartussanut aningaasartuutissatut naatsorsuutigineqartunut imaluunniit aningaasartuutitut uppersarneqarsimasunut tunniussisoqartassaaq, imatut agguaneq malinneqassalluni:

- 1) Taarsigassarsiat erniallit 90 %-it.
- 3) Nammineerluni aningaasaliissut 10 %-it.

Imm. 3. Inuussutissarsiutinik siuarsaanermut taarsigassarsiat piffissaq akilersorneqarfissaat sivilunerpaamik ukiunut qulinut aalajangerneqassaaq.

Nersutit erniortitat nersutaateqarnerlu

§ 7. Naalackersuisut nersutinik erniortitassanik nersutaatinillu pisinissamut inuussutissar-siutinik siuarsaanermut tunniussisinnaapput, imatut pisoqartillugu:

- 1) pisinermi nersutaatit tamarmiusut amerlingaatsiarpata,
- 2) nersutit erniortitat nersutaatillu pigineqareersut napparsimaneq, silap pissusiani pissutsit assigisaalluunniit pequtigalugit annaasaqangaatsiarnerup kingunerisaanik pisinissaq pisa-riaqalersimappat,
- 3) siornatigut nunaleriffiusimasumi nunalerinermik ingerlatsinermik aallartitseqqittoqarpat,
- 4) nunalerivimmik nutaamik aallartitsisoqarpat
- 5) ingerlatsivinni inuit inuunerannut naleqqussakkanik nersutaatilinni nersutinik erniorti-tassanik pisinermi,
- 6) nunami uumasunik nujuartanik, nunalerinermi atorneqartussanik nunnigussinerni, imaluunniit
- 6) Naalackersuisut inassuteqaataat nunalerinermullu politikki naapertorlugu nersutaatinik amerlisitsinermi.

Imm. 2. Imm. 1 naapertorlugu inuussutissarsiutinik siuarsaanermut taarsigassarsiat tunniun-neqassapput, imatut agguarneqassallutik:

- 1) Taarsigassarsiat erniallit 90 %-it.
- 2) Nammineerluni aningaasaliissut 10 %-it.

Imm. 3. Inuussutissarsiutinik siuarsaanermut taarsigassarsiat piffissaq akilersorneqarfissaat sivilunerpaamik ukiunut qulinut aalajangerneqassaaq.

Ingerlatsinermut taarsigassarsiat

§ 8. Naalackersuisut nerukkaatissanut, naatitassanut, naggorissaatissanut assigisaanulluunniit aningaasartuutininut uppersarsarneqarsimasunut inuussutissarsiutinik siuarsaanermut taarsigassarsititsinikkut inuussutissarsiutinik siuarsaanermut tunniussisinnaapput. Ingerlatsinermut taarsigassarsiat aamma annikitsunik pisinermut aserfallatsaaliugassanullu annikitsunut uppersarsarneqarsinnaasunut atorineqarsinnaapput.

Imm. 2. Naalackersuisut pisuni immikkut ittuni, imm. 1-imi taaneqartut saniatigut siunertanut allanut ingerlatsinermut taarsigassarsititsisinnaapput, tamatumunnga aningaasartutit nunalerinerup ingerlanneqarneranut attuumassuteqarpata, aningaasartuutillu taakku tassangaannaq pisut kinguartinneqarsinnaanngitsullu peqqutigalugit akilerneqarnissaat pisariaqarpat.

Imm. 3. Imm. 1 aamma 2 naapertorlugu inuussutissarsiornermik siuarsaanermut aningaasaliissutissat inuussutissarsiornermi siuarsaanermut taarsigassarsiarititut ernialittut 100%-inngorlugit tunniunneqarsinnaapput.

Imm. 4. Imm. 1 aamma imm. 2 naapertorlugu inuussutissarsiutinik siuarsaanermut taarsigassarsiat piffissaq akilersorneqarfissaat sivisunerpaamik ukiunut tallimanut aalajangerneqassaaq.

Nunagissaanermi suliat

§ 9. Naalackersuisut siunertanut ukununnga tapiissutitut inuussutissarsiutinik siuarsaanermut tunniussisinnaapput, suliaat nunaminertani atuisinnaatitaaffik nunalerivimmik piginnittumut tunniunneqarsimasumi ingerlanneqassappata:

- 1) Nutaamik naggorissaaneq.
- 2) Naggorissaaqqinneq.
- 3) Nunaminertat naggorissagassat piareersarneqarneri.
- 4) Nunaminertat naggorissagassat imaarsarneqarneri.
- 5) Kalkilersuineq.
- 6) Narsaatinut aqquerniorneq.
- 7) Narsaatinut aqqusinernik aserfallatsaaliuineq.
- 8) Narsaatinut aqqusinernik imaarsaneq.
- 9) Narsaatinut aqquernit iluanni ruujorilersuineq.
- 10) Sermernarujussuareernerani naatitassanik ikkussueqqinneq.
- 11) Toqqaannartumik naatitassanik ikkussuineq.

Imm. 2. Imm. 1 naapertorlugu inuussutissarsiornermik siuarsaanermut aningaasaliissutissat ilanngussaq 1-imi akit Nunalerinerumut aningaasaliissutissat Naalackersuisumit aalajangersarneqartut naapertorlugit toqqaannartumik tapiissutitut tunniunneqassapput.

Imm. 3. Ilanngussaq 1-imi akit Kalaallit Nunaanni Naatsorsueqqissaartarfiup ukiumi tungaviumi 2008-mi nioqqutissanut sullissinernullu tamanut atuisunut akinut naleqqersuutaasa ineriartornerat naapertorlugu ukiumoortumik naleqqussarneqarlutik iluarsineqartassapput. Ukiut tamaasa 1. januaarimi ukiumi qaangiuttumi oktobarimi atuisunut akinut naleqqersuutit naapertorlugit annertussusilerneqartunut iluarsisoeqartassaaq.

§ 10. § 9, imm. 1 naapertorlugu nunagissaanermut tapiissutit Nunalerinermut Naalackersuisoqarfimmut qinnuteqaammik nassiussisoqareernerani tunniunneqassapput, qinnuteqaallu suliassat tapiissutinik qinnuteqarfiusut aallartinneqannginnerini nassiunneqassapput akuerineqassallutillu. Nunaminertap suliarineqartussap annertussusia suliassallu suuneri malillugit tunniussisoqassaaq.

Imm. 2. Nunagissaanissamut tapiissutinik qinnuteqaammut uppernarsaatit uku ilanngunneqassapput:

- 1) Imm. 1, nr. 1-11 naapertorlugu suliassatut naatsorsuutigineqartut allaaserineqarneri.
- 2) Suliassap suliarineqarnissaanut tunngavilersuut
- 3) Nunaminertap annertussusianut missingiut
- 4) Nunaminertamik atuisinnaatitaanermut uppernarsaat.

§ 11. § 9, imm. 1 naapertorlugu nunagissaanissamut tapiissutit akilerneqassapput, Nunalerinermut Naalackersuisoqarfiup nunagissaanerup naammassineranut uppernarsaat tiguppagu.

Imm. 2. Suliap naammassineranut uppernarsaammut uku ilanngunneqassapput:

- 1) Siunnersortip nunalerinermik ilisimasallip suliat pillugit oqaaseqaataa,
- 2) Nunaminertap annertussusianut, siunnersortip/nunamik uuttortaasartup sulinerminut atatillugu atortoqarluni uuttuineranut uppernarsaat,
- 3) Nunamik pitsangorsaalluni suliat pillugit aningaasartuutitut uppernarsaatit

Imm. 3. Nunalerinermut Naalackersuisoqarfiup nunagissaanermut tapiissutit akilerneqarnerini, qinnuteqartoq Namminersorlutik Oqartussanut akiitsoqarpat akiitsunut akiliisissinnaavaa.

Imm. 4. Imm. 2 naapertorlugu akiliisitsineri akiliutigitinneqartut annerpaamik nunalerinermut tapiissutitut tunniunneqartut tamarmiusut 33 %-iilik annertussuseqassapput.

Kapitali 2

Qinnuteqartitsinerit taarsigassarsititsinissamullu piunasaqaatit

Qinnuteqartitsinerit

§ 12. Nunalerinermut Naalackersuisoq ukiumi taasami inuussutissarsiutinik siuarsaanermut imaluunniit inuussutissarsiutit ilaasa aalajangersimasut siuarsarneqarnissaannut qinnuteqartitsinissamut piunasaqaatinik aalajangersaasinnaavoq.

Imm. 2. Nunalerinermut Naalackersuisoq qinnuteqartitsinissanut piunasaqaatinik aalajangersaaniarluni aalajangerpat, tamanna pillugu nunalerinermi suliniaqatigiiffiit kingusinnerpaamik ukiup siuliani 30. novembarimi ilisimatinneqassapput.

Inuussutissarsiutinik siuarsaanermut akiliisarnerit

§ 13. Inuussutissarsiutinik siuarsaanermut taarsigassarsiat fakturap Nunalerinermut Naalackersuisoqarfimmut, taarsigassarsisoq sinnerlugu fakturamik akiliisussamut nassiun-

neqarneratigut, imaluunniit taarsigassarsisup nunalerinermik ingerlataqarnerminut NemKonto-anut nalunaarsorsimasumut nuussinikkut akilerneqassapput.

§ 14. Tapiissutit taarsigassarsisup nunalerinermik ingerlataqarnerminut NemKonto-anut nalunaarsorsimasumut nuussinikkut akilerneqassapput.

Inuussutissarsiutinik siuarsaanermut taarsigassarsiat akilersorneqarnissaat

§ 15. Inuussutissarsiutinik siuarsaanermut taarsigassarsiat, taarsigassarsiatut ernialittut tunniunneqartut taarsigassarsiatut amerlaqatigiinnik aalajangersimasunik erniaqartinneqarlutik akilersorneqassapput.

Imm. 2. Inuussutissarsiutinik siuarsaanermut taarsigassarsiat erniaat ukiumut 4 %-inut Naalackersuisuniit aalajangerneqarput.

§ 16. Taarsigassarsiat erniallit, inuussutissarsiutinik siuarsaanermut taarsigassarsiatut tunniunneqartut ukiumoortumik ataasiarluni akiligassanngortinneqarlutik akilersorneqassapput. Nunalerinermut Naalackersuisoqarfiup ukiut tamaasa novembarimi akiligassaq nassiuttassavaa, taamaattorli tamanna taarsigassarsiat akilerneqarneriniit siusinnerpaamik ukiup tulliani pissaaq.

Imm. 2. Erniat akilersugassalluunniit piffissaq eqqorlugu akilerneqanngippata, Nunalerinermut Naalackersuisup inuussutissarsiutinik siuarsaanermut taarsigassarsiarititat tamakkiisumik akiligassanngorlugit atorunnaarsissinnaavai, taamaattorli tak. § 25.

Imm. 3. Piffissamut akiligassat piffissaq eqqorlugu akilerneqarsimassapput, piffissamut akiligassap nassiunneqarneraniit kingusinnerpaamik ullut 30-t qaangiunnerini akilerneqarsimappat. Ullup taassuma kingorna akiliisoqarsimatinnagu taarsigassarsisoq allakkatigut akileeqqusissutip takkunneraniit kingusinnerpaamik ullut 14-it qaangiunnerini ernianut akilersugassanullu akiliisimangippat, inuussutissarsiutinik siuarsaanermut taarsigassarsiat tamakkiisumik akiligassanngortinneqassapput.

Imm. 4. Nunalerinermut Naalackersuisup qinnuteqartoqareernerani taarsigassarsisup piffissamut akiligassanut akiliinissaanik ukiut marluk tikillugit kinguartitsinnaapput:
1) qularnaveeqqusiissutaasup nalinga inuussutissarsiutinik siuarsaanermut taarsigassarsiat tamarmiusut inernerisa 60 %-ii sinnerlugit naleqartutut missiliorneqarpat, aamma
2) akiliisinnaannginneq akiliisinnaanngikkallarnertut naliliiffigineqarpat.

Imm. 5. Piffissamut akiligassamik kinguartitsinissamut qinnuteqaat imm. 3-mi akiliinissamut piffissarititassatut aalajangiunneqartup, ullunik 30-nik sivisussuseqartup naannginnerani Nunalerinermut Naalackersuisoqarfimmut tunniunneqarsimassaaq.

Imm. 6. Piffissamut akiligassat kinguartinneqareernerini taarsigassarsisup piffissamut akiligassani akilersoqqilerpagit, piffissaq akilersuiffiusoq piffissamut akiligassat kinguartinneqarfiisa annertoqataanik sivitsorneqassaaq.

Imm. 7. Nunalerinermut Naalackersuisoq pisuni immikkut ittuni piffissamut akiligassat akilerneqarnissaannut ukiut marluk sinnerlugit sivitsuisinnaavoq.

§ 17. Naalackersuisut inuussutissarsiutinik ineriartortitsinissamut taarsigassarsiat akilersornissaannut tapiissuteqartarsinnaapput, taarsigassarsisup akilersugassani taarsigassarsinermut

isumaqatigiissummi inuussutissarsiutinik siuarsaanermut taarsigassarsiat akilersorneqarfis-
saattut aalajangersarneqartut naapertorlugit piffissaq eqqorlugu akiliisarnera malillugu. Erniat
akilersornerinut tapiissuteqartoqarsinnaangilaq.

Imm. 2. Naalackersuisut inuussutissarsiutinik siuarsaanermut taarsigassarsiat
akilersornerinut tapiissutit 35 %-inut aalajangerneqarput.

Nammineerluni akilikkat

§ 18. Naalackersuisut inuussutissarsiutinik siuarsaanermut taarsigassarsititsinerminni
qinnuteqartup nammineerluni akilikkaminik aallarniuteqarnissaa piumasarissavaat.

Imm. 2. Inuussutissarsiutinik siuarsaanermut taarsigassarsiarititassat tunniunneqanngin-
nerini, taarsigassarsisup nammineerluni akiligassai Namminersorlutik Oqartussanut
akilerneqassapput.

Imm. 3. Nunalerisutut aallartinnermut atatillugu Naalackersuisut inuussutissarsiutinik
siuarsaanermut taarsigassarsititsinerminni taarsigassarsisup nammineerluni akiligassai
minnerpaamik 5%-inut appartissinnaavaat, aammalu taarsigassarsiat erniallit amerlaqataannik
qaffatsissinnaavaat, taarsigassarsisoq aallartinnermini imaluunniit nunalerinermik ingerlatsi-
vimmi piginneqataassutinik pisinermi minnerpaamik ingerlatap 33 %-iinik pigisaqarpat.

Imm. 4. Taarsigassarsisup nammineerluni akiligassai imm. 3 naapertorlugu appartinne-
qarsinnaangillat, taarsigassarsisoq nunalerinermik ingerlatsivimmi piginneqataareerpat,
aammalu nunalerinermik ingerlatsivimmi tassani piginneqataassutinik allanik pisisimappat.

Imm. 5. Aningaasaliinermut tunngatillugu imm. 3 naapertorlugu taarsigassarsianik qaffa-
tsitsineq taamaallaat aningaasaliissutinut, taarsigassarsisup nunalerisutut aallartinneranut
ukiunut tallimanut siullernut aningaasaliissutissanut pilersaarummut, Nunalerinermut
Naalackersuisoqarfimmit akuerisamut ilanngunneqarsimasunut atorneqarsinnaavoq.

Taarsigassarsiat kattussat piffissarlu akileraarfiusoq

§ 19. Taarsigassarsiani kattussiffiusuni, ernialinnik aamma erniaqanngitsunik
akilersugassaannigitsunillu taarsigassarsiffiusuni piffissaq akiitsut akilersorneqarfissaat
taarsigassarsianut marlunnut taakkununga assigiimmik aalajangerneqassaaq.

Qularnaveeqqusiineq

§ 20. Inuussutissarsiutinik siuarsaanermut taarsigassarsiat, pigisamut aalaakkaasumut
atorneqartussat tamatigut uppersaammik, pigisap nalunaarsuisarfimmi allattaavianut
nalunaarsorneqarsimasumik qularnaveeqquserneqartassapput.

Imm. 2. Inuussutissarsiutinik siuarsaanermut aamma pitsaanerpaamik qularnaveeqquserne-
qartassapput, taakkulu pigisami, inuussutissarsiutinik siuarsaanermut taarsigassarsiffigine-
qartumi uppersaammik nalunaarsorneqarsimasumik qularnaveeqquserneqarsinnaapput.

Inuussutissarsiutinik siuarsaanermut aningaasaliissutinik unitsitsineq

§ 21. Taarsigassarsisoq pisinnaatitaavoq, piffissaq sioqqullugu inuussutissarsiutinik siuarsaanermut taarsigassarsiat tamakkerlugit akilernerisigut atorunnaarsissallugit, tamatumani taarsigassarsinermut isumaqatigiisummi aalajangersimasumik allamik allassimasoqanngippat. Piffissaq sioqqullugu akiliineq taarsigassarsiat piffissami akilersorneqarfigisaanni sukkulluunniit pisinnaavoq.

§ 22. Nunalerinermut Naalakkersuisup inuussutissarsiutinik siuarsaanermut taarsigassarsiat tamakkiisumik akiligassanngorlugit atorunnaarsissinnaavai:

- 1) taarsigassarsisup ukiuni tulleriinni marlunni inuussutissarsiutigalugu nunalerineq pingaarnertut inuussutissarsiutigisimangippagu, tak. nunalerinermik inuussutissarsiuteqarnerup siuarsarneqarnissaa pillugu Inatsisartut inatsisaanni § 4, imm. 2 aamma 3,
- 2) taarsigassarsisup nunalerinermik ingerlatsinissamut piumasaqaatit naammassisinnaajunnaarpagit, imaluunniit nunalerinermut pineqartumut oqartussaasuniit akuersissummik allamik amigaateqarpat, imaluunniit
- 3) taarsigassarsisup taarsigassarsinermut piumasaqaatit atugassarititaasut annertuumik sumiginnarpagit.

Imm. 2. Nunalerinermut Naalakkersuisup illunik inuussutissarsiorfiusunik, nammineerluni illulianik, illunik inissiisarfinnik imaluunniit nukissiutinik sananissamut tigusinissamulluunniit inuussutissarsiutinik siuarsaanermut taarsigassarsiat atorunnaarsissinnaavai, taakku inuussutissarsiutinik siuarsaanermut taarsigassarsiat tunniunneqarneriniit ukiut qulit iluanni tunineqarpara.

§ 23. Nunalerinermut Naalakkersuisup taarsigassarsiat atorunnaarsippagit, tak. § 22, atorunnaarsitsinerup saqqummiunneqarneraniit inuussutissarsiutinik siuarsaanermut taarsigassarsiat ernialersorneqarnerat unissaq.

§ 24. Taarsigassarsiat erniaqanngitsut akilersugassaanngitsullu piffissamut taarsigassarsiat nungukkiartorfiinut aallaqqaammut aningaasartaliussat ukiumut 4 %-inik appartinneqartasapput.

Kapitali 3

Allannguisarneq isumakkeerinnittarnerlu

Aningaasaleeqqinnerit

§ 25. Naalakkersuisut inuussutissarsiutinik siuarsaanermut taarsigassarsianit tunniunneqartuniit nalunaarut manna, imaluunniit nunalerinermik inuussutissarsiornerup siuarsarneqarnissaanut siornatigut maleruagassiaasimasuni §§ 1-8 naapertorlugit nutaanik inuussutissarsiutinik siuarsaanermut taarsigassarsititsinikkut akiitsunut akilinngitsuukkanut aningaasaleeqqissinnaapput:

- 1) aningaasaleeqqinnissaq nunaleriffiup ingerlaannarnissaannut annertuumik isumaqartutut naliliiffigineqarpat,
- 2) taarsigassarsisup taarsigassarsiat nutaat akilersorsinnaagai naliliiffigineqarpat, aamma

3) nunaleriffiup ineriartornissaanut aamma akiitsut akilersornissaanut ukiunut tallimanut pilersaarummit, Nunalerinermut Naalackersuisoqarfimmit akuerineqartumik peqarpat.

Imm. 2. Akiitsunut aningaasaleeqqinnermut inuussutissarsiutinik siuarsaanermut taarsigassarsiat piffissaq akilersorneqarfissaat sivisunerpaamik ukiunut qulinut aalajangerneqassaaq.

Taarsigassarsianik allannguineq

§ 26. Nunalerinermut Naalackersuisup inuussutissarsiutinik siuarsaanermut taarsigassarsiat inuussutissarsiutinik siuarsaanermut taarsigassarsianut allanut allanngortissinnaavai, piffissamut akilersorneqarfissaannut pigisap inuussutissarsiutinik siuarsaanermut taarsigassarsitsiffigineqartup atasinnaaffissaatut naatsorsuutigineqartumit sivisunerunngitsumik sivisusiliilluni:

- 1) inuussutissarsiutinik siuarsaanermut taarsigassarsiarineqartut ukiut tallimat sinnerlugit akilersorneqarsimappata, aamma
- 2) taarsigassarsisup inuussutissarsiutinik siuarsaanermut taarsigassarsiat nutaat akilersorsinnaagai nalilerneqarpat.

Isumakkeerineq

§ 27. Akiitsut, nalunaarut manna imaluunniit siornatigut aalajangersagaasimasut assingusut naapertorlugit inuussutissarsiutinik siuarsaanermut taarsigassarsiaasimasut pillugit taarsigassarsisup qinnuteqareernerani, pissutsit immikkut ittut tunngavigalugit tamanna naammaginartutut isumaqarfigineqarpat, aammalu taarsigassarsisup akiliisinnaanani uppersarsinnaappagu, Nunalerinermut Naalackersuisoq akiitsunik tamakkiisumik ilaannaasumilluunniit isumakkeerinnissinnaavoq. Taarsigassarsisoq akiliisinnaanngitsutut isigineqassaaq, taarsigassarsisoq akiliisinnaanngippat, aammalu ukiuni qaninnerni inuussutissarsiutinik siuarsaanermut taarsigassarsiaminik appartitsisinnaanera ilimanaateqanngippat. Aamma isumakkeerinnittoqassappat, isumakkeerinninnerup taarsigassarsisup aningaasaqarnikkut atugaanik ataavartumik pitsannguiffiunissaata ilimanaateqarnissaa piumasarineqarpoq.

Imm. 2. Akiitsunik isumakkeerinninneq nalinginnaasumik pisinnaanngilaq:

- 1) Taarsigassarsisoq aningaasaqarnikkut mianersuaalliorluni iliuuseqarsimappat, taakkunungalugu ilanngullugu ikinngitsunik akiitsoqalersimappat:
 - a) piffissami taarsigassarsisup aningaasaqarnikkut pisussaaffimminik naammassinnissinnaanngiffianni akiitsut pilersinneqarsimappata, tamatumani inuussutissarsiornermut akiitsut niuernikkut tunngavilersugaalluartut imaluunniit taarsigassarsianik allannguineq tunngavilersugaalluartoq pineqanngippat,
 - b) taarsigassarsisup aningaasaqarnikkut annaasaqarfiusinnaasunik, taarsigassarsisup aningaasaqarnikkut atugaanut naleqqutinngitsunik iliuuseqarneratigut pilersimappata,
 - c) pisariaqanngitsumik atuinissaq siunertaralugu pilersinneqarsimappata, tamatumani pissutsit immikkut peqqaallutik naammaginartutut isigineqarsinnaanerisa kingunerisaanik akiitsortoqarsimannngippat, imaluunniit

- d) pisortanut namminersortunulluunniit amerlasuunik allanik akiitsoqartoqarpat,
2) taarsigassarsisoq nunalerivimminik ingerlatsinermi niuernikkut mianersuaalliorujussuarsimappat,
3) taarsigassarsisoq isertitaqartarnermini imaluunniit allatigut isertitaqartarnermini periarfissaqaraluarluni akiitsuminut akilersuinngitsoorsimappat.

Imm. 3. Aamma taarsigassarsisup kingusinnerpaamik isumakkeerinninnermut peqatigitillugu pigisaminik, nunalerivimmik ingerlatsinermut attuumassuteqartunik tamanik tunisisimanissaa, isumakkeerinninnissamut piumasarineqarpoq.

Imm. 4. Nunalerinnermut Naalakkersuisup isumakkeerinninnissamik aalajangiinermini akiitsut pisoqaassusii pingaartissavai.

Imm. 5. Isumakkeerinninneq taamaallaat inuinnarnut atorneqarsinnaavoq.

Kapitali 4

Atuutilerfia

§ 28. Nalunaarut manna 1. januaari 2025-mi atuutilerpoq.

Namminersorlutik Oqartussat, ulloq xx. xxxx 2024

Kalistat Lund

/Natuk Lund Meire